

Druže Tito rat je završen!

Autor Administrator

Wednesday, 16 May 2018

Zadnja Promjena Wednesday, 16 May 2018

15. maja 1945. godine komandant 3. armije NOV general Kosta Nađ u Dravogradu je predao raport svom vrhovnom komandantu: "Druže Tito rat je završen"! Tako je završena jedna slavna epopeja koja je počela 4. jula 1941. godine kada je mala ali hrabra grupa antifašista i komunista predvođena drugom Titom u kući porodice Ribnikar u okupiranom Beogradu odlučila da pruži otpor tada najvećoj vojnoj sili u istoriji ratovanja.

Izdali su proglas narodima Jugoslavije da im se pridruže u borbi. Vjerovatno ni sami nisu vjerovali da će 4 godine kasnije pod svojom komandom imati silu od 800.000 vojnika koja je gotovo bez ikakve strane vojne pomoći oslobodila okupiranu zemlju. Cijena je bila ogromna! U slavnim epopejama: Užičkoj republici, Kozari, Neretvi, Sutjesci, Drvaru i svim onim mjestima, kako je napisao naš Mariš, koje su drug Tito i njegovi partizani iz zemljopisa premjerali u istoriju, na vještoj straži i braniku domovine ostalo je zauvijek njih četvrt miliona, među njima i autor Proglasa na ustanak protiv fašizma Ivo Lola Ribar. 73 godine kasnije potomci preživjelih kvislinga, razni istorijski revizionisti, pokušavaju da promijene tok istorije. Krvnici se proglašavaju žrtvama, a saradnici okupatora "antifašista". Međutim, na njihovu žalost istorija se ne može izbrisati gumicom. Crvena zvijezda petokraka pod kojom su se borili Titovi partizani vječno će sijati, davati nadu da će ovom zlu koje veći od 25 godina vlada na prostorima koje su oslobodile slavne jedinice Titovih partizana doći kraj i njezin sjaj nikada neće izbljediti, a potomci fašista i njihovi sljedbenici će se naći tamo gdje su veći bili – na smetljištu istorije!

valterbranisarajevoTitomanija 16.5.2018.

Titomanija na Facebooku <https://www.facebook.com/Titomanija-231174356936187/>

#JosipBrozTito #Jugoslavija #Yugoslavia #SFRJ #partizani #antifašizam #antifascism